


# ORTINWEK AENG'



## LEWENETAB ORET

Yon kakinaanbanda kebe emet ne kitomogai keite keteebe oret ne kisibi. Kibendi kegertoi inne komie ak ngot kenai kele kimi oret ne ma noton kegusegong' ak kecheng' oret ne noton .

Inye ak ane en atgai tugul kebendi en ngw'onduni ketokinyinige sobondab koigeny, emet ne maigesuge ak ne makimuchi kewal ye kageit yoton betut agenge. Ang'wany tos ingen ole iwendi?

## BUKUIT NE INDOIWECH

Kikogonech Jehovah en chamnyenyin ak miendanyin bukuit ne indoiywech, noton Bible ne iborwech inne komie oret ne itei kipsengw'et. Ng'alechu kakigonin en kartasini koyobu Bukuiniton “taitab kelyekyuk ng'olyondengung; ak lapkeiyetab orenyun.” (Tien kalosunet 119:105).

## ORET NE TEBEES

Chang' biik en oraniton “Obun okwek kurget ne mariich; amun kurget ne

baraa, ak oret ne tebees, noton ne wendi ng'emisiet, ak chang' che bunei noton kot koit oloton." (Matayo 7:13).

Che chang' en ichek ko maimuche kogeertoen konyekab muguleldo. Maingen anan mamaken kiy konai kole miten oret ne bo luset. "Mi oret ne nen chito litit, Ago kagesunenyin ko ortinwekab meet." (Kalewanaik 14:12). "En ichek chekatuch cheptalelitab ngw'onduni kabwatutikab che maiyoni, si mailuchi ichek lapkeyetab logoiwek che miach che bo torornotetab kristo, ne inendet koitondab Jehovah." (2 Korintoek 4:4).

## MILET

Biik en oranoton ko ibei miletab tengekwojik "Ago kigoyai tugul tengek, ama ityin torornotetab Jehovah." (Romanik 3:23). Maimukaksei keung'en Jehovah agot tengekto agenge. "... amun mageere Jehovah kou ye keere biik; amun keere biik itondo, ago keere Jehovah muguleldo." (Isamwel 16:7). Kikirotyi tengekwojikyuaq botoikyuak. Inye ak ane ko maimukaksei kechililen agot tengekto ne kitigin en kamugenyon. Tesetai konyigisitu lautik ye tesetai kasarta kowendi "melektab chalwok ko meet." (Rom. 6:23).

## KALYELET

Kalyelet en pichait koboru kirwogetab Jehovah. "Ak kou ye kikingat agobo biik kobek konyil agenge, ak ye ibata niton koek kirwoget." (Hebranik 9:27). "Ak kiageer ng'echeret neo nebo laitornatet, ak inendet ne kiteben, ... Ak kiageer che kikobek, che eechen ak che mengechen kotonondos en taitab ng'echeretab laitornatet; ak kigiyat bukuisiek; ak kigiyat bukuit age, noton ko bukuitab sobondo: ak kigiruokyi che kigobek en tuguk che kiga kisirji bukuisiechoton, kou boisionikwak... Ak ngot kenyor chi age tugul ne kima kisirji bukuitab sobondo, kewirjin araraitab mat." (Ng'ang'utiet 20:11,12,15).

## MAT

Amun Jehovah ko Tilil ak kobo iman konyolu komi kerkong'etab tengekto. Mwawech ng'olyotab Jehovah kole miten Gehenna, emetab kerkong'etab ichek tugul che maiyoni Jehovah. Mwae Bukuit ne Tilil kole, "Ne kagesunenywan ko luset, ne cheptalelinywan ko moet, ne kalosunenywan ko tewernatenywan, che ibwati tugukab ng'wony "Pilipik 3:19).

Agu Jehovah kogeny ko Jehovah nebo channyet, "Maigaegei kiptaiyat en arorutyenyin, kou ye iiti alak kagaetabgei; ago muitoi agobo okwek, mamache kolus chi age tugul, ago machei kobwonji tugul sigunet." (2 Petero 3:9).

## ORETAB SOBONDO – SORUNINDET

Amun magimuchi kitiachgei en tengekwojikyok, ko kigogonech Jehovah sorunindet. "Amun kicham Jehovah ng'wony mising; kot kogoito werinyin **ne Kigii inegei**, si malus age tugul ne iyoni inendet, ago si konyor sobondab koigeny." (Johana 3:16). Kiiyok Jehovah werinyin agenge, kiptaiyat Jesu Kristo koyob kipsengwet konyo ngw'onduni, kisob ko chito ago mayai tengek, kiwendote koyaei ne mie, kiinyoe che kimiandos, kosobi solomonik, koonei oik, konyochin biik kaat tengekwojikwak ak kiinete biik ng'alek agobo Jehovah.

Amun nee nenyin asi konyo ko chito ko asi kome koek korosiondenyon eчек tugul, asi kobar tililindamyin, sobenyin ne kimakotinye chalwok ak korotikyik che kibo kamanutiet asi koyoktewech meet ne kita kibegu en

tengekwogikyok. Kibokokyikei biik che ki yaachen komut inendet, kebir ak kipchoritit agoi konam mook batenyin, kilokyi metinyin ngatietab katok ak en let kebirchi eunekyik ak kelyekyik kimortoyot ole kinyor ngw'onindo ak nyalilda. "Inendet ne kiib tengekwokikyok en bortanyin en imanda; echek che kigakebekyi tengekwogik; kigisobenok birutikyik." (1 Petero 2:24). Kimechin inye ak ane.

## **NGEETYENYIN**

Ye kin ko kagobata betusiek somoku en kirerit, kong'eet Jesu Kristo en che kibek. Kiwendot ak kong'alal ak alamalyenyin ak kingobata betusiek artamu kotokosta kipseng'wet ole kiwo koteben eutab tai nebo Jehovah kwanda. (Romanik 8:34). Sorunindet ne sobei; koboto "kipnotet tugul en kipseng'wet ak ngwony." (Matayo 28:18). "En noton anyun komuchi kogeny kosor agoi kasuldaetab ichek che bwanjin Jehovah en inendet, amun sobei inendet koigeny si kobiit kosaei agobo ichek." (Hebranik 7:25).

## **KIPSENG'WET**

Kipseng'wet ko emet ne menyei Jehovah en lilindanyin tugul. Kimwa kiptayat Jesu kole, "miten gorik che chang' en gotab Baba; nda kima kou noton, ta kiamwowok; awendi achobwok koret. Ak ye awe achobwok koret anyone kogeny amutok si ole ami omi ak okwek." (Johana 14:2,3).

Kipseng'wet ko emet ne bo kwong'ut. "Ak kouus inendet beekab kong' alak tugul en konyekyuak; ama komi kogeny meet; ama komi kateyiet kogeny anan rirek, anan ngw'onindo: kasirto tuguk che bo tai. "Ama komi kemout kogeny ... amun igochin ichek lapkeiyet kiptayat Jehovah." (Ng'ang'utiet 21:4; 22:5).

Kipseng'wet ko emet ne tilil. "Ak magoi wo orit kiy age tugul ne muruon, anan ko ne yaei kiy ne kiweche, ak lembeita: kobaten ichek che kigisirchi kainaikyuk bukuitab sobondo nebo Aruet. (Ng'ang'utiet 21:27).

Miten oret agenge kityo ne itei kipseng'wet "kolenji Jesu, A oret, ak iman, ak sobondo: manyonjin chi kwanda, ama en ane." (Johana 14:6). "Ama mi yetunet en chito age: amun mami kainet age en kureretab kipseng'wet ne kigigochi bik, ne kanyol kesorunenech." (Boisionik 4:12).

## **TOS KINAMDOI ANO BANDAB KIPSENGW'ET ?**

**1.** "Kolen kagosulda betusiek, ak kagorik bounatetab Jehovah, osigu, ak oyan logoiwek che miach." (Mariko 1:15).

**2. Nyonjin kiptaiyat Jesu Kristo en saet kou ye iu koboto lautikab tengekto ak imwachi inendet konyoun kaat. Mwae inendet kole, "Bwanjinan tugul che kona kwanda; ak inendet ne nyonjina ko maone matiny." (Johana 6:37). "Obwanjon okwek tugul che oiimigei ak che olae tuguk che nyigisen, si amuungwok." (Matayo 11:28).**

**3. Iyan en Kristo inegen asi inyoru katiaknatet en chalgogikuk.** "Ago ngot kebendatenlapkeiyet, kou ye mi inendet en lapkeiyet, keting'ege yamdaet, ak kotililech korotikab Jesu werinyin en tengekwogikyok tugul." (1 Johana 1:7).

**4. Konin sobondo ne leel ... sobondab koigemy.** Imwa Kristo kole "Amwawok, iman iman, ale inendet ne kasei ngolyondenyun, ak koyani inendet ne kiyyokwon, kotinye sobondob koigeny, ama wendi ole mi kirwoget ago kagomong' en meet komongji sobondo." (Johana 5:24). "Noton anyun, ngo mi chi age tugul en Kristo, ko kigeyai inendet koek chito ne leel: kagosiirto tuguk che bo keny: Ogeero kagoik che leelach." (2 Korintoek 5:17).



5. Inyoru kalyet en muguleldang'ung'. "Kitinye kalyet ak Jehovah en kiptayandenyon Jesu Kristo amun kigiityech imanda en kayanet." (Romanik 5:1). "Ak baornatanoton ko ni, kelekgigonech Jehovah sobondab koigeny, ak mi soboniton werinyin. Inendet ne tinyei werit kotinye sobondo: inendet ne matinyei weritab Jehovah ko matinyei sobondo. Kaasirwak tuguchu si kobiit onai ole otinyei sobondab koigeny ak okwek che oyani kainetab weritab Jehovah." (1 Johana 5:11-13).

## **OLE KIMUCHE KESOPTE SOBET NE LEEL**

1. **Soman Bukuit** ne tilil betut age tugul. Kou ye lapkeiyetab orenyon, ko amitwokikab sobonwekyok. "Omach mising chego che bo ng'omnotetab tamirmiriet, che matinyei ng'alset, kou manyurunik si kobiit onerie agoi yetunet." (1 Petero 2:2). Mwachin Jehovah kondoun ak konetin en tamirmiriinyin ne tilil ye isomani ng'olyondeninyin.

2. **Rikiyin Jehovah en saet betut age tugul**; isaei en kainetab Jesu. "Amogereri met en kiy age tugul; ago en saet ak somet koboto kongoi ingonaak somutikwok en Jehovah. Ak ribei kalyetab Jehovah, ne siirei kaguiyet tugul, Mugulelwekwok ak kobwotutikwok en Kristo Jesu." (Pilipik 4:6,7).

3. **Mwachin bik alak agobo Kristo** "Ago kima chamji, agokilenji ui gong'ung' ole mi choronoguk, ak iborji tuguk che eecheen che kagoyaun kiptayat, ak kou ye kakorirenen." (Mariko 5:19).

4. **Kuur Jehovah en tiemutik**. "Ak kou ye kinyalil inendet ye kigiyomei, komuchi inendet kotoret ichek che kiyomei." (Hebranik 2:18).

5. **Angot iyai tengek ing'ong'ji Jehovah** "Ngot keng'anye tengekwogikyok koyanat agobo imanda konyoiwech kaat tengekwokyok ak kotililech en kiy tugul ne ma bo imanda." (Johana 1:9).

6. **Yon oyamde ak kayanik alak en kiptaiyat Jesu Kristo**. "Nga'tutienyun ni ale ochamye, kou ye kiachamak." (Johana 15:12).

---

Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

EMAIL: [info@angp.co.za](mailto:info@angp.co.za)

**ALL NATIONS GOSPEL PUBLISHERS**

**P.O. Box 2191, PRETORIA, 0001, R.S.A.**

(A Gospel Literature Mission financed by donations)

(Reg. No. 1961/001798/08)